



INFORMATIVNI LIST –

Pravila pozajmljivanja učeničkih kompjutera

Kada pozajmite osobni učenički kompjuter u općinskim školama u Göteborgu vi ste i kao učenik i kao staratelj odgovorni za kompjuter. To znači da se treba brinuti o kompjuteru i slijediti pravila pozajmljivanja. Kompjuter je vlasništvo grada Göteborga i vi ga ne smijete pozajmljivati drugima, iznajmljivati, prodavati, založiti ili na neki drugi način rizikovati vlasničko pravo grada Göteborga. Pod kompjuterom se podrazumijeva digitalna oprema za učenje koju vaša škola koristi i dijeli svojim učenicima, na primjer Chromebook, iPad, PC ili Mac. Škola odlučuje da li vi smijete kompjuter ponijeti sa sobom kući nakon nastave.

Pravila za korištenje i rukovanje

Jednakost svih ljudi, integritet i zabrana napada na pojedinca

Kada koristite kompjuter morate poštovati jednakost svih ljudi, koristiti njegovan jezik te braniti svoj integritet i integritet drugih ljudi. Napad na drugu osobu nije nikada dozvoljen. Ne smijete posjećivati web stranice čiji sadržaj vrijeđa i povređuje druge ili čuvati slike ili tekstove koji se mogu razumijeti kao vrijeđajući, ako to nije bilo dogovoreno s učiteljem kao dio nastave.

Briga, čuvanje i transport

Pozajmljivanje kompjutera pretpostavlja veliku odgovornost u smislu brige oko njega, čuvanja i transporta. Vi uvijek trebate rukovati, čuvati i transportirati kompjuter na siguran način tako da se ne ošteti ili ne nestane. To vrijedi i kada ste u školi i izvan nje. Vi, na primjer, nikada ne smijete ostaviti kompjuter izvan nadzora na mjestima gdje postoji opasnost da bude ukraden. Kada kompjuter prevozite morate uvijek koristiti njegovu zaštitnu futrolu.

Prijavite krađu ili gubitak

Ako izgubite kompjuter ili ako je ukraden morate to odmah prijaviti školi. Ako se to dogodilo u području škole, škola će to prijaviti policiji. Ako se to dogodi izvan školskog područja, vi kao staratelj trebate to prijaviti policiji. Nakon toga dostavite školi kopiju prijave.

Nepravilnost u radu, servis i održavanje

Ako se dogodi da kompjuter ne radi kako treba ili bude oštećen morate to odmah prijaviti školi. Školsko osoblje će vam pomoći da se kompjuter pošalje na servis. Škola, kada je to potrebno, ima pravo pristupa kompjuteru zbog nadograđivanja programa, servisa, kontroliranja pravilnosti rada i održavanja.

Kada budete vraćali kompjuter

Kada je vrijeme pozajmljivanja završilo, i ako ništa drugo nije navedeno, morate školi vratiti kompjuter s punjačem i eventualnom drugom opremom u roku od jedne sedmice. Kompjuter i punjač moraju biti u istom stanju kao kada ste ih dobili, izuzev normalnog habanja ili oštećenja koje je pokriveno garancijom.

Ako se pri vraćanju kompjutera pojave neki troškovi kao, na primjer, troškovi prijevoza, vi kao učenik ili staratelj morate sami platiti za to.

Kada vratite kompjuter dobiti ćete priznanicu od škole.

Ako prekršite pravila

Ako prekršite pravila škola ima pravo da vam uzme kompjuter. Ako postoji sumnja da ne upotrebljavate kompjuter u skladu s pravilima, škola također ima pravo da zatraži da se pregleda historija pretraživanja Interneta i sadržaj kompjutera. Škola će u slučaju takve kontrole kontaktirati i učenika i staratelja. Ako kompjuter ili oprema budu oštećeni zbog vaše nepažnje, ili ako bude ukraden/izgubljen zato što ste ga nepažljivo čuvali, Grad Göteborg može od vas zatražiti ekonomsku naknadu.

Period pozajmljivanja

Vi možete pozajmiti kompjuter tako dugo dok

- a) slijedite pravila pozajmljivanja kompjutera.
- b) učite u aktualnoj školi.

Mogu postojati i druge okolnosti na koje škola ne može utjecati, a koje mogu promijeniti period pozajmljivanja.

Postupanje s ličnim podacima

Informaciju o tome kako se postupa s vašim ličnim podacima možete naći na web stranici Grada Göteborga. Tražite na "Så behandlar grundskoleförvaltningen personuppgifter" ("Ovako uprava za osnovno školstvo postupa s ličnim podacima").

Potvrda da su gore navedena pravila pročitana i prihvaćena

Vi kao staratelj trebate potpisati potvrdu na švedskom jeziku. Tu ste potvrdu dobili zajedno s ovim informativnim listom. Kod zajedničkog starateljstva, trebate i vi i djetetov drugi staratelj potpisati potvrdu.

Potpisanu potvrdu trebate predati u školi kada se kompjuter bude pozajmljivao.